

**UNIVERZITET U TUZLI
T U Z L A**

**P R A V I L N I K
O VOĐENJU REGISTRA DOMAĆIH PUBLIKACIJA**

Tuzla, maj 2010. godine

Na osnovu člana 59. Zakona o visokom obrazovanju ("Službene novine Tuzlanskog kantona", broj: 8/08, 11/09 i 12/09), člana 75. i člana 243. stav (5) Statuta Univerziteta u Tuzli, Senat Univerziteta na sjednici održanoj 26.05.2010. godine donio je

P R A V I L N I K O VOĐENJU REGISTRA DOMAĆIH PUBLIKACIJA

Član 1.

Ovim pravilnikom se uređuje način formiranja i vođenja Registra domaćih publikacija (dalje: Registar). Pod publikacijom se podrazumijeva objavljena naučna knjiga, naučna monografija, univerzitetski udžbenik ili umjetnička knjiga, naučni rad objavljen u naučnom časopisu, zborniku konferencije, simpozijuma, kongresa, umjetnički rad i sl.

Član 2.

Registar domaćih publikacija Univerziteta u Tuzli održava Ured Prorektora za NIR i čini ga javno dostupnim preko WEB stranice Univerziteta u Tuzli. Kada se steknu uvjeti Univerzitetska biblioteka preuzima obavezu održavanja Registra.

Član 3.

Senat Univerziteta u Tuzli donosi odluku o unošenju domaćeg časopisa, zbornika radova, konferencije, simpozijuma, kongresa i domaće knjige u Registar, na prijedlog NNV-a fakulteta/Akademije, putem Vijeća grupacija na radovnim i vanrednim sjednicama, a najmanje jednom godišnje. U Registar se mogu unijeti publikacije koje ispunjavaju kriterijevtvrđene u članu 4., 6. i 8. ovog Pravilnika.

Član 4.

Kriteriji za uvršavanje knjige u Registar su slijedeći:

1. Da je recenzirana od strane najmanje (2) dva recenzenta izabrana u naučno-nastavno zvanje na istoj ili srodnoj oblasti na koju se knjiga odnosi;
2. Da je objavljena u punom obimu u štampanoj formi ili objavljena u punom obimu u elektronskoj formi na WEB stranici Univerziteta ili elektronskom prenosivom mediju;
3. Postupak katalogizacije domaće knjige treba da je izvršen po međunarodnim i domaćim standardima (CIP katalogizacija).

Član 5.

Knjiga uvrštena u Registar ostaje trajno u Registru.

Član 6.

Kriteriji za uvršavanje časopisa u Registar su slijedeći:

1. Časopis se objavljuje najmanje dva puta godišnje na bosanskom i-ili engleskom jeziku u štampanoj i-ili elektronskoj formi;
2. Uredništvo časopisa uključuje najmanje 1/3 članova izvan Bosne i Hercegovine;
3. Potrebno je da na listi recenzenata časopisa bude najmanje 1/3 članova izvan Bosne i Hercegovine;
4. Radove recenziraju najmanje (2) dva recenzenta koji nisu iz iste Institucije;
5. Časopis mora biti indeksiran u nekoj od međunarodnih baza naučnih časopisa.

Član 7.

Časopis pripada Registru jednu godinu od dana unošenja a nakon toga se automatski briše iz Registra. Ponovno uvršavanje u Registar provodi se u skladu sa članom 3. ovog Pravilnika. Sva izdanja časopisa tokom kojih je časopis bio uvršen u Registar ostaju trajno u Registru.

Član 8.

Kriteriji za uvršavanje Zbornika radova sa konferencije, simpozijuma i kongresa u Registar su slijedeći:

1. Zbornik radova mora dolaziti sa tradicionalne (godišnje, dvogodišnje) konferencije (više od 3 održane konferencije zaredom) gdje su radovi objavljeni u punom obimu na bosanskom i-ili engleskom jeziku, u štampanoj i-ili elektronskoj formi;
2. Programski odbor konferencije uključuje najmanje 1/3 članova izvan Bosne i Hercegovine;
3. Na listi recenzenata konferencije najmanje 1/3 članova su izvan Bosne i Hercegovine;
4. Radove recenziraju najmanje (2) dva recenzenta koji nisu iz iste Institucije;
5. Postupak katalogizacije Zbornika radova treba da je izvršen po međunarodnim i domaćim standardima (CIP katalogizacija).

Član 9.

Zbornik radova pripada Registru jednu godinu od dana unošenja a nakon toga se automatski briše iz Registra. Ponovno uvršavanje u Registar provodi se u skladu sa članom 3. ovog Pravilnika. Sva izdanja Zbornika radova tokom kojih je zbornik bio uvršten u Registar ostaju trajno u Registru.

Član 10.

Domaće publikacije koje se uvršavaju u Registar moraju striktno ispunjavati sve kriterije utvrđene članovima 4., 6. i 8. ovog Pravilnika, nakon (5) pet godina od dana donošenja ovog Pravilnika.

Član 11.

U prvih (5) pet godina važenja ovog Pravilnika, Senat donosi odluku o uvrštavanju publikacija u Registar na prijedlog NNV-a fakulteta/Akademije preko Vijeća grupacija.

Član 12.

Ovaj Pravilnik stupa na snagu narednog dana od dana objavljivanja na oglasnoj ploči i WEB stranici Univerziteta u Tuzli.

UNIVERZITET U TUZLI
Broj:03-3895-6/10
Tuzla, 26.05.2010. godine

PREDSJEDNIK SENATA

Dr.sc. Džemo Tufekčić, red.prof.

Ovaj Pravilnik objavljen je na oglasnoj ploči Univerziteta u Tuzli dana 13.10.2010. godine.